

### Cynnwys

Cwmpas .....	3
Yr hyn y mae'r ddogfen hon yn ei gwmpasu .....	3
Yr hyn nad yw'r ddogfen hon yn ei gwmpasu.....	3
Prentisiaethau .....	3
Cytundebau Atodol a ddisodlir gan y ddogfen hon.....	4
Crynodeb o'r prif newidiadau ers y fersiwn flaenorol.....	4
Dogfennaeth Gysylltiedig .....	6
Cyfeiriwch at y ddogfennaeth ganlynol ar y cyd â'r ddogfen hon: .....	6
Gwerthoedd Siarter Myfyrwyr Y Brifysgol Agored .....	7
Cyflwyniad.....	7
Prif delerau'r Cytundeb Atodol .....	8
1 Crynodeb o brif delerau'r Cytundeb Atodol.....	8
2 Safonau Proffesiynol a Gweithdrefnau Addasrwydd i Ymarfer.....	9
3. Cyfnodau Ymarfer Dysgu .....	11
4 Terfynu Cyflogaeth a/neu Nawdd .....	12
5 Terfynu Cofrestriad .....	14
6 Eich Astudiaethau.....	15
7 Rhannu gwybodaeth a Diogelu Data.....	16
8 Rhoi'r gorau i'ch astudiaethau neu eu gohirio.....	18
Rhestr termau .....	19
Awdurdod Rheoleiddio .....	19

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

Y Cod .....	19
Cyfleoedd Ymarfer Dysgu .....	19
Cyfnod Ymarfer Dysgu .....	19
Cymhwyster Nyrsio .....	19
Cyswllt Cyflogi .....	19
Darparwr Lleoliad .....	19
Mentor .....	20
Noddwr Ariannol .....	20
Noddwr Dysgu .....	20
Panel Canlyniadau Modiwl .....	20
Asesydd Ymarfer .....	20
Goruchwylydd Ymarfer .....	21
Rhaglen Nyrsio Cyn Cofrestru .....	21
Rheolwr Cyflwyno'r Rhaglen Brentisiaeth (APDM) .....	21
Tiwtor Staff/Rheolwr Addysg .....	21
Tiwtor Ymarfer .....	21
Eglurhad pellach .....	22
Tîm Cymorth Myfyrwyr .....	22
Prentisiaethau'r Brifysgol Agored .....	22
Y Brifysgol Agored yng Nghymru .....	23
I siaradwyr Cymraeg .....	23
Y Brifysgol Agored yn yr Alban .....	23
Y Brifysgol Agored yn Iwerddon (Gogledd Iwerddon a Gweriniaeth Iwerddon) .....	23
I Fyfrwyr newydd o'r tu allan i'r DU (ac eithrio Gweriniaeth Iwerddon) .....	24
Fformat amgen .....	24
Atodiad A .....	25

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

# Cwmpas

## Yr hyn y mae'r ddogfen hon yn ei gwmpasu

Mae'r Cytundeb Atodol hwn yn gymwys i fyfyrwyr sydd wedi cael eu derbyn ar raglen Nyrso Cyn Cofrestru'r Brifysgol Agored yn unig a noda'r telerau ychwanegol sy'n ymwneud ag astudio Cymhwyster Nyrso.

Gellir diweddarau'r ddogfen hon drwy gydol y flwyddyn er mwyn cywiro gwallau, gwella eglurder neu hygyrchedd, neu fyfyrwyr ar newidiadau i ofynion cyfreithiol neu reoliadol. Os gwneir y diwygiadau hyn ar ôl i chi gofrestru, rhoddir gwybod i chi drwy e-bost am unrhyw newidiadau sylweddol i'r ddogfen hon.

## Yr hyn nad yw'r ddogfen hon yn ei gwmpasu

Nid yw'r Cytundeb Atodol hwn yn gymwys i fyfyrwyr nad ydynt wedi cael eu derbyn eto ar raglen Nyrso Cyn Cofrestru'r Brifysgol Agored, myfyrwyr sy'n astudio modiwlau a allai gyfrannu at gymhwyster y tu hwnt i'r rhaglen nyrso, na myfyrwyr sy'n astudio cymwysterau neu raglenni dysgu seiliedig ar waith eraill, megis gwaith cymdeithasol.

Nid yw'n gymwys i fyfyrwyr sy'n astudio fersiynau o fodiwlau a/neu gymwysterau nad ydynt yn rhai nyrso.

## Prentisiaethau

Os ydych yn astudio prentisiaeth, **nid** yw'r rhannau canlynol o'r Cytundeb Atodol Amodau Cofrestru hwn yn gymwys:

- Cymal 3.4 "Myfyrwyr sy'n astudio cymhwyster Nyrso (nad ydynt yn rhan o raglen brentisiaeth)." Yn hytrach, dylai myfyrwyr prentisiaethau gyfeirio at gymal 3.5 "Myfyrwyr sy'n astudio ar raglen brentisiaeth".
- Adran 4.1 "Myfyrwyr sy'n astudio cymhwyster Nyrso (nad ydynt yn rhan o raglen brentisiaeth)". Yn hytrach, dylai myfyrwyr prentisiaethau gyfeirio at gymal 4.2 "Myfyrwyr sy'n astudio ar raglen brentisiaeth".

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- Cyfeiriadau at Reolau Ffioedd yn Adran 5 "Terfynu Cofrestriad". Yn hytrach dylai myfyrwyr prentisiaethau gysylltu â'u APDM neu gyswllt cyfatebol am ragor o wybodaeth.
- Adran 5.3 "Myfyrwyr sy'n astudio cymhwyster Nyrsio y tu hwnt i raglen brentisiaeth".
- Cymal 6.1b: colli swydd heb fod unrhyw fai arnoch chi ac yn methu â dod o hyd i swydd arall yn syth.
- Cymal 6.3: yn astudio bob yn ail flwyddyn o leiaf neu'n cymryd seibiant astudio sydd wedi'i gymeradwyo.
- Adran 8 "Rhoi'r gorau i'ch astudiaethau neu eu gohirio" – Dylai prentisiaid gyfeirio at Adran G5 "Changing your study plans for exceptional or personal reasons" o'r [Rheoliadau Academaidd \(Prentisiaid\) \(Saesneg yn unig\)](#).

## Cytundebau Atodol a ddisodlir gan y ddogfen hon

Mae'r ddogfen hon yn disodli'r fersiwn flaenorol o [Gytundeb Atodol Amodau Cofrestru \(Nyrsio\) 2020/21 \(Saesneg yn unig\)](#).

## Crynodeb o'r prif newidiadau ers y fersiwn flaenorol

Bu sawl newid pwysig ers y fersiwn flaenorol o'r polisi hwn, sef:

- Ychwanegwyd paragraff newydd at yr adran Cwmpas i nodi y gellir diweddarau'r ddogfen hon drwy'r flwyddyn er mwyn cywiro gwallau, gwella eglurder neu hygyrchedd, neu adlewyrchu newidiadau i ofynion cyfreithiol neu reoliadol.
- Diwygio adran Siarter Myfyrwyr Y Brifysgol Agored i gyfeirio at Werthoedd Siarter y Myfyrwyr a lansiwyd yn 2020.
- Diwygio manylion cyswllt yn y Cyflwyniad, paragraff 4.1.4, a'r adran Eglurhad Pellach i gyfeirio myfyrwyr at y prif Dîm Cymorth Myfyrwyr yn lle'r Tîm Nyrsio.
- Defnyddio'r termau goruchwyliwr ymarfer/asesydd ymarfer yn lle Mentor (Cyflwyniad; diffiniadau'r Rhestr Termau).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- e) Ychwanegu paragraff newydd, sef paragraff 2.1, yn trafod gofynion i ddatgelu cyfyngiadau ac amodau cyfreithiol yn unol â'r Cyngor Nyrsio a Bydwreigiaeth. Ail-rifo'r adran hon yn sgil hyn.
- f) Ychwanegu paragraff newydd, sef paragraff 2.5, yn trafod y gofyniad i gynnal ymgynghoriadau o bell.
- g) Diwygio paragraff 2.7 (sef paragraff 2.5 gynt) i egluro 'Os na chaiff y cymhwyster Nyrsio ei ddyfarnu o ganlyniad i gamau a gymerwyd gan banel Addaswydd i Ymarfer neu'r Pwyllgor Disgyblu Canolog...'
- h) Diwygio paragraff 4.1.4 i egluro bod yn rhaid i chi gysylltu â'ch Tîm Cymorth Myfyrwyr i drafod pa mor addas yw'r newid arfaethedig hwn.
- i) Mae'r geiriad ym mharagraff 5.2 wedi cael ei aildrefnu er eglurder.
- j) Diwygio paragraff 7.1c i gyfeirio at Ddeddf Cydraddoldeb (2010) ac i ystyried dyletswyddau a rhwymedigaethau statudol eraill.
- k) Ychwanegwyd diffiniadau newydd i'r Rhestr Termau i ddisgrifio Aseswyr Ymarfer a Goruchwyliwr Ymarfer.
- l) Ychwanegwyd testun ychwanegol at yr adran Eglurhad Pellach i nodi bod yr amseroedd ymateb diweddaraf ar gyfer derbyn ac anfon gohebiaeth drwy'r post i'w gweld ar dudalen we Swyddfeydd Y Brifysgol Agored.
- m) Eglurwyd y dystiolaeth ategol gan enghreifftiau.
- n) Newidiwyd Maen prawf 1 i ffurfiau'r amser gorffennol
- o) Diwygiwyd Maen prawf 3 i gyfeirio at y Ddeddf Cydraddoldeb (2010) ac i ystyried dyletswyddau a rhwymedigaethau statudol eraill y tu allan i Gymru, Lloegr a'r Alban.
- p) Diwygiwyd Maen prawf 4 i gynnwys benthg croth, a thystiolaeth gan weithiwr iechyd proffesiynol.
- q) Ychwanegwyd Maen prawf 5 o'r newydd i drafod "Analluogrwydd annisgwyl estynedig ar eich rhan chi oherwydd mabwysiadu" a chyflyrau ac enghreifftiau cysylltiedig.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- r) Diwygiwyd Maen prawf 9 (sef Maen prawf 8 gynt) i gynnwys tystiolaeth o ddogfennaeth yswiriant cartref.
- s) Eglurwyd Maen prawf 10 (sef Maen prawf 9 gynt) i nodi'n benodol 'newid annisgwyl' mewn cyfrifoldebau gofalu.

## Dogfennaeth Gysylltiedig

**Cyfeiriwch at y ddogfennaeth ganlynol ar y cyd â'r ddogfen hon:**

- [Hysbysiad Preifatrwydd Prentisiaethau \(Saesneg yn unig\)](#)
- [Amodau Cofrestru \(Saesneg yn unig\)](#) neu [Amodau Cofrestru ar gyfer Prentisiaid \(Saesneg yn unig\)](#) fel y bo'n berthnasol i'ch cymhwyster
- [Hysbysiad Preifatrwydd Myfyrwyr \(Saesneg yn unig\)](#)
- [Hysbysiad Preifatrwydd Nyrsio \(Saesneg yn unig\)](#)
- [Gweithdrefn Addasrwydd i Ymarfer \(Saesneg yn unig\)](#)
- [Rheolau Ffioedd \(Cyrsiau Gradd\) \(Saesneg yn unig\)](#)
- [Y Cyngor Nyrsio a Bydwreigiaeth \(NMC\) - Y Cod ar gyfer nyrsys a bydwragedd](#)
- Rheoliadau cymhwyster-benodol ar gyfer eich cymhwyster Nyrsio.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

---

## Gwerthoedd Siarter Myfyrwyr Y Brifysgol Agored

Mae'r ddogfen hon yn cyd-fynd yn benodol â'r Gwerthoedd canlynol a nodir yn Mae'r polisi hwn yn cyd-fynd â'r egwyddorion canlynol a nodir yn [Siarter Myfyrwyr Y Brifysgol Agored](#):

- Cyfathrebu â'n gilydd mewn ffyrdd clir, perthnasol, cywir ac amserol.
- Ymddwyn yn foesol ac yn dryloyw, gan ddarparu a defnyddio ffyrdd teg ac agored o fynd i'r afael â'n pryderon a'n cwynion, gan ddysgu ohonynt.
- Fel myfyrwyr, rydym yn rhannu'r cyfrifoldeb dros ddysgu ac yn ymrwmo i astudio ac ymchwilio gan ddefnyddio'r adnoddau a'r gwasanaethau cymorth sydd ar gael, gan gynnal y safonau uchaf o ran uniondeb academaidd.
- Cynnal a gwella safonau ac enw da ein Prifysgol, gan gydnabod cyfraniad pob aelod at ei llwyddiant.

## Cyflwyniad

Mae'r ddogfen hon yn nodi'r telerau ychwanegol y cytunwyd arnynt â'r Brifysgol Agored mewn perthynas ag astudio tuag at gymhwyster Nyrsio Cyn cofrestru. Dyma'r Cytundeb Atodol y cyfeirir ato yn yr [Amodau Cofrestru](#) a'r [Amodau Cofrestru ar gyfer Prentisiaid](#) a dylid ei ddarllen ar y cyd â'r Amodau hynny a'r rheolau, rheoliadau a pholisïau a nodir ynddynt ac yn y cytundeb hwn. Drwy gofrestru ar gyfer cymhwyster Nyrsio, rydych yn cytuno ar y telerau hyn.

Mae'r Cytundeb hwn yn weithredol o'r dyddiad y gwnaethoch gofrestru ar gyfer eich cymhwyster Nyrsio, a bydd yn parhau i fod yn gymwys tan eich bod wedi cwblhau eich cymhwyster, neu tan y bydd eich cofrestrriad wedi dod i ben neu wedi cael ei ganslo, pa un bynnag sy'n digwydd gyntaf.

Am arweiniad penodol ar sut y gall y cytundeb hwn fod yn berthnasol i'ch amgylchiadau personol, cysylltwch â'ch Tîm Cymorth Myfyrwyr sydd wedi'i hyfforddi'n arbennig i roi cyngor ar weithredu'r cytundeb hwn.

Drwy gydol y ddogfen hon, defnyddir y term Mentor i gyfeirio at unigolyn/unigolion a benodwyd gan y Noddwr Dysgu i oruchwylio ymarfer dysgu ac asesu deilliannau dysgu perthnasol, a hefyd i gyfeirio at rolau goruchwyliwr ymarfer/asesydd ymarfer.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

# Prif delerau'r Cytundeb Atodol

## 1 Crynodeb o brif delerau'r Cytundeb Atodol

- 1.1. Mae'r adran hon yn rhoi crynodeb bras o delerau atodol eich cytundeb i astudio cymhwyster Nyrsio gyda'r Brifysgol Agored. Rydych yn cytuno i wneud y canlynol:
- Cydymffurfio â'r safonau proffesiynol a bennwyd gan yr Awdurdod Rheoleiddio a'u cyrraedd.
  - Parhau mewn cyflogaeth a chael cefnogaeth barhaus eich Noddwr Dysgu tra'ch bod yn astudio tuag at gwblhau eich cymhwyster Nyrsio.
  - Cydymffurfio â gofynion cyfreithiol eich Cyflogwr (Prentisiaid), Noddwr Dysgu, Noddwr Ariannol (Ile y bo'n gymwys) a Darparwr Lleoliad, fel y'u nodir yn eu priod bolisiau a gweithdrefnau.
  - Cyrraedd safonau proffesiynol yr Awdurdod Rheoleiddio, fel y'u nodir yn Y Cod, yn ogystal â'r safonau academiaidd a'r gofynion seiliedig ar ymarfer a nodir yn y gwefannau modiwl a chymhwyster perthnasol. Mae'n rhaid i chi wneud hyn er mwyn ennill eich cymhwyster Nyrsio.
  - Hysbysu'r Brifysgol Agored, Cyflogwr (Prentisiaid), eich Noddwr Dysgu a'ch Noddwr Ariannol, cyn gynted â phosibl, am unrhyw bryderon sydd gennych ynglŷn â methu â bodloni gofynion o'r fath.
  - Drwy Dealltwriaeth bod Y Brifysgol Agored yn gallu atal neu derfynu eich cofrestriad, neu wrthod dyfarnu'r cymhwyster Nyrsio os na fodlonir y telerau a nodir yn y cytundeb hwn.
  - Deall Dealltwriaeth bod Y Brifysgol Agored, Cyflogwr (Prentisiaid), eich Noddwr Dysgu, eich Noddwr Ariannol ac unrhyw Ddarparwr Lleoliad yn gallu rhannu gwybodaeth angenrheidiol am eich iechyd, anabledd, perfformiad academiaidd, ymddygiad, addasrwydd i ymarfer a safonau proffesiynol. Caiff gwybodaeth o'r fath ei chadw'n ddiogel, a dim ond yn unol â [Hysbysiad Preifatrwydd Myfyrwyr](#), [Hysbysiad Preifatrwydd Nyrsio a Hysbysiad Preifatrwydd Prentisiaethau](#) Y Brifysgol Agored y caiff ei phrosesu.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Awst 2020	Dyddiad adolygu: 1 Ionawr 2021



---

## 2 Safonau Proffesiynol a Gweithdrefnau Addasrwydd i Ymarfer

2.1 Er mwyn astudio cymhwyster nyrsio gyda'r Brifysgol Agored, mae'n ofynnol i chi ddarparu gwybodaeth bellach mewn perthynas â datgelu cyfyngiadau ac amodau cyfreithiol yn unol â [Chanllawiau ar iechyd a chymeriad](#) y Cyngor Nyrsio a Bydwreigiaeth. Bydd yn ofynnol i chi gael gwiriad manwl gan y Gwasanaeth Datgelu a Gwahardd (yng Nghymru a Lloegr), gwiriad gan Disclosure Scotland (yn yr Alban) neu wiriad gan Access NI (yng Ngogledd Iwerddon). Bydd Y Brifysgol Agored yn rhoi gwybod i chi am y wybodaeth y bydd gofyn i chi ei datgelu os yw'r briodol cyn eich cofrestru ar eich cymhwyster Nyrsio. Am fwy o wybodaeth, cysylltwch â'ch Tîm Cymorth Myfyrwyr.

2.2 Drwy ymrwymo i'r Cytundeb Atodol hwn, rydych yn cydnabod yn benodol eich bod yn deall ac yn cytuno i ymrwymo i'r safonau proffesiynol a bennwyd gan yr Awdurdod Rheoleiddio yn y Cod sy'n gymwys i fyfyrwyr Nyrsio. Mae hyn yn golygu'r canlynol:

- a) Os mynegir pryder nad ydych yn cyflawni nac yn cynnal y safonau hyn ar lefel sy'n briodol ar gyfer cam eich astudiaethau ar gyfer y cymhwyster Nyrsio, efallai y cewch eich cyfeirio o dan Weithdrefn Addasrwydd i Ymarfer Y Brifysgol Agored.

Gall hyn arwain at y canlynol o ran eich astudiaethau tuag at un o'r cymwysterau yn y rhaglen Nyrsio:

- gosod amodau fel eich bod yn gallu parhau i astudio ar gyfer y cymhwyster Nyrsio hwnnw;
- eich atal rhag astudio ar gyfer y cymhwyster hwnnw;
- terfynu cofrestrriad tuag at y cymhwyster hwnnw;
- peidio â dyfarnu'r cymhwyster hwnnw.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

b) Rydych yn cytuno i hysbysu'r Brifysgol Agored cyn gynted ag y bo'n ymarferol am unrhyw fater a all esgor ar unrhyw bryder am eich gallu i gyrraedd safonau proffesiynol yr Awdurdod Rheoleiddio, gan atgyfeirio unrhyw fater o'r fath ar lafar, yn electronig neu'n ysgrifenedig at eich Tiwtor Ymarfer neu, lle y gall hyn beri oedi, at y Tiwtor Staff neu Reolwr Addysg yn eich ardal. Bydd y Cyswllt Cyflogi yn eich sefydliad yn gallu darparu manylion cyswllt fel y bo angen.

2.3 Er mwyn bod yn gymwys ar gyfer dyfarniad cymhwyster Nyrsio, rhaid eich bod, ym marn y Panel Canlyniadau Modiwl ar gyfer pob modiwl a gwblheir, yn bodloni'n foddhaol y gofynion academaidd a'r gofynion safonau proffesiynol. Mae'n rhaid i chi gwblhau'r holl fodiwlau priodol yn llwyddiannus fel y'u nodir yn y Rheoliadau Cymhwyster sy'n benodol i'ch cymhwyster er mwyn cael y dyfarniad.

2.4 Os na fyddwch wedi cyrraedd y safonau proffesiynol gofynnol oherwydd materion a gododd cyn i chi gofrestru â'r Rheoleiddiwr, gall datganiad i'r Rheoleiddiwr am eich iechyd a'ch cymeriad da gael ei gadw'n ôl ar argymhelliad panel Addasrwydd i Ymarfer. Gall hyn ddigwydd hyd yn oed os byddwch wedi ennill digon o greddydd modiwl i fodloni gofynion academaidd ac ymarfer dysgu'r cymhwyster Nyrsio. Byddai hyn yn golygu na allech gofrestru, ac felly ymarfer, fel nyrs er bod y cymhwyster wedi'i ddyfarnu.

2.5 Mae'n bosibl y bydd y rhaglen yn ei gwneud yn ofynnol i chi gynnal ymgynghoriadau o bell. Os felly, byddai gweithdrefnau [Addasrwydd i Ymarfer](#) Y Brifysgol Agored yn gymwys. Pe bai unrhyw achos o dorri'r safonau proffesiynol perthnasol, byddai'r achos yn cael ei drin o dan y gweithdrefnau hyn.

2.6 Os yw cymhwyster Nyrsio wedi'i ddyfarnu a daw unrhyw faterion a gododd cyn ei ddyfarnu i'r amlwg a bod y Panel Addasrwydd i Ymarfer o'r farn y dylent fod wedi cael eu datgan ac y byddai hynny wedi arwain at atal y cymhwyster Nyrsio, caiff y mater ei atgyfeirio at Bwyllgor Disgyblu Canolog y Brifysgol sydd â'r pŵer i dynnu'r cymhwyster Nyrsio yn ôl.

2.7 Os na chaiff y cymhwyster Nyrsio ei ddyfarnu o ganlyniad i gamau a gymerwyd gan banel Addasrwydd i Ymarfer neu'r Pwyllgor Disgyblu Canolog, gallech gael cynnig cymhwyster amgen gan Y Brifysgol Agored, lle rydych yn bodloni'r gofynion credyd ar ei gyfer.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- 2.8 Ni fydd cael cynnig lle ar y cymhwyster gan Y Brifysgol Agored na chwblhau'r cymhwyster yn llwyddiannus yn sicrhau y cewch eich cynnwys ar gofrestr broffesiynol yr NMC. Mae'r NMC yn cadw'r hawl i benderfynu a gewch ymuno â'r gofrestr broffesiynol ar y pwynt cofrestru (gweler y [Canllawiau ar lechyd a Chymeriad \(Saesneg yn unig\)](#), NMC 2019). Cyfeiriwch at ganllawiau'r NMC am y wybodaeth fwyaf diweddar am ofynion cyfredol cofrestru â'r NMC.
- 

### 3. Cyfnodau Ymarfer Dysgu

- 3.1 Pan fyddwch yn cofrestru ar gyfer cymhwyster Nyrsio gyda'r Brifysgol Agored, rydych yn cytuno i wneud y canlynol:
- Cydweithredu â'ch Noddwr Dysgu/Cyflogwr (Prentisiaid) er mwyn hwyluso eich cyfranogiad mewn Cyfnodau Ymarfer Dysgu priodol i'ch galluogi i gyflawni deilliannau dysgu'r Radd Nyrsio.
  - Cydweithredu â'ch Cyflogwr (Prentisiaid), Noddwr Dysgu neu Ddarparwr Lleoliad a bodloni unrhyw ofynion rhesymol i gynnal enw da'r Darparwr Lleoliad a chydymffurfio â'i rwymedigaethau cyfreithiol a safonau gwasanaeth mewn cysylltiad â'ch rhan yn y Cyfleoedd Ymarfer Dysgu a ddarperir.
  - Cydymffurfio â pholisïau ac arferion cyflogi'r Cyflogwr (Prentisiaid), Noddwr Dysgu a/neu'r Darparwr Lleoliad a chymryd pob cam rhesymol i gynnal eich cyflogaeth ac unrhyw Gyfleoedd Ymarfer Dysgu a ddarperir er mwyn cwblhau'r cymhwyster Nyrsio. Noder: mae cyflogaeth barhaus yn ofynnol er mwyn parhau i astudio'r cymhwyster Nyrsio drwy'r llwybr rhaglen.
- 3.2 Wrth gyflawni ymarfer dysgu mae'n ofynnol i chi gydweithredu â'r Mentor a neilltuir i chi gan eich Darparwr Lleoliad ymarfer. Bydd eich Mentor yn:
- cynnal arsylwadau ac ymarfer wedi'i oruchwylio, gan gynnig adborth rheolaidd i chi drwy gydol y Cyfnodau Ymarfer Dysgu;
  - cyflawni unrhyw gyfrifoldebau asesu sy'n ofynnol gan y Rhaglen Nyrsio Cyn Cofrestru;

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

c) cymryd rhan yn y gwaith o gynllunio, monitro ac adolygu cyfarfodydd gyda chi a'ch Tiwtor Ymarfer.

3.3 Os byddwch yn torri'r cymalau a nodir ym mharagraffau 3.1 a 3.2, a barn eich Cyflogwr (Prentisiaid), Noddwr Dysgu a/neu Diwtor / Rheolwr Addysg Y Brifysgol Agored, yw nad yw'n rhesymol ymarferol i chi gwblhau Cyfnod Ymarfer Dysgu, nid yw'n ofynnol i'ch Cyflogwr (Prentisiaid), Noddwr Dysgu, Darparwr Lleoliad na'r Brifysgol Agored roi cyfle pellach i chi fodloni'r gofynion ymarfer dysgu ar gyfer y modiwl hwnnw. O dan yr amgylchiadau hyn tybir eich bod wedi methu'r modiwl a gall eich astudiaethau gael eu hatal yn unol â'r Weithdrefn Addasrwydd i Ymarfer.

3.4 Myfyrwyr sy'n astudio cymhwyster Nyrsio (nad ydynt yn rhan o raglen brentisiaeth)

3.4.1 Os na fydd y Noddwr Dysgu yn rhoi digon o amser i chi gwblhau Cyfnodau Ymarfer Dysgu fel y nodir yn y deunyddiau modiwl, bydd Y Brifysgol Agored yn ceisio ymestyn eich cyfnod astudio er mwyn galluogi'r Noddwr Dysgu i ddarparu cyfleoedd ymarfer dysgu digonol. Y Noddwr Dysgu neu, lle y bo'n gymwys, y Noddwr Ariannol fydd yn atebol am unrhyw gostau ychwanegol yr eir iddynt o ganlyniad i'r fath estyniad, neu am roi cyngor a chymorth i chi ddod o hyd i Noddwr Dysgu a/neu Gyfnodau Ymarfer Dysgu amgen.

3.5 Myfyrwyr sy'n dilyn rhaglen brentisiaeth

3.5.1 Fel Prentis, mae'n ofynnol i'ch cyflogwr roi 20 y cant o oriau â thâl 'y tu allan i'r swydd' i chi astudio. Cytunwyd ar hyd eich prentisiaeth ar ddechrau'r rhaglen ac mae'n cynnwys y Cyfnodau Ymarfer Dysgu.

---

## 4 Terfynu Cyflogaeth a/neu Nawdd

4.1 Myfyrwyr sy'n astudio cymhwyster Nyrsio (nad ydynt yn rhan o raglen brentisiaeth)

4.1.1 Bydd rhwymedigaethau eich Noddwr Dysgu, fel y'u nodir yn y Cytundeb hwn, yn dod i ben os byddwch yn gadael eich cyflogaeth. Er mwyn parhau i fod wedi eich cofrestru ar gyfer y cymhwyster Nyrsio byddwch yn gyfrifol am ddod o hyd i Noddwr Dysgu amgen addas er mwyn cwblhau unrhyw ymarfer dysgu pellach sydd ei angen a chwblhau'r cymhwyster Nyrsio o fewn y terfyn amser penodedig.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- 4.1.2 Os byddwch yn cael cymorth ariannol o ran ffioedd dysgu a/neu unrhyw gymorth ariannol arall a bod y nawdd ariannol hwn yn cael ei dynnu'n ôl am unrhyw reswm, rhaid i chi sicrhau eich bod yn parhau i gyflawni eich rhwymedigaethau o ran ffioedd dysgu. Gall hyn gynnwys cael nawdd ariannol newydd neu drefnu benthyciad myfyriwr. Os na fyddwch yn dod o hyd i ffordd o dalu eich ffioedd dysgu, ni chewch ddilyn y rhaglen mwyach.
- 4.1.3 Rhaid i chi hysbysu'r Brifysgol Agored cyn gynted â phosibl am unrhyw newid posibl i'ch cyflogaeth a all effeithio ar eich perthynas barhaus â'ch Noddwr Dysgu a / neu eich Noddwr Ariannol er mwyn sicrhau bod modd ystyried trefniadau amgen.
- 4.1.4 Os bydd eich Noddwr Dysgu a'ch Noddwr Ariannol yn sefydliadau gwahanol a'ch bod yn gadael eich cyflogaeth wedyn, gyda chytundeb eich Noddwr Ariannol, cewch chwilio am gyflogaeth addas gyda chyflogwr amgen a fydd yn cytuno i weithredu fel eich Noddwr Dysgu. Bydd hyn yn eich galluogi i barhau â'ch cymhwyster Nyrsio ar yr amod bod y cyflogwr newydd yn gallu darparu'r profiadau ymarfer dysgu priodol a Mentoriaid i fodloni gofynion y cymhwyster. Rhaid i chi gysylltu â'ch Tîm Cymorth Myfyrwyr i drafod pa mor addas yw'r newid arfaethedig hwn.
- 4.1.5 Os caiff cytundeb cydweithredu'r Brifysgol Agored â'ch Noddwr Dysgu ei derfynu, bydd Y Brifysgol Agored yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl Gyfnodau Ymarfer Dysgu sydd eu hangen.
- 4.2 Myfyrwyr sy'n dilyn rhaglen brentisiaeth.
- 4.2.1 Os caiff eich cyflogaeth ei therfynu am unrhyw reswm yn ystod eich prentisiaeth, cysylltwch â'ch tiwtor ymarfer neu Reolwr Cyflwyno'r Rhaglen Brentisiaeth (APDM neu unigolyn cyfatebol) cyn gynted â phosibl oherwydd bydd hyn yn effeithio ar eich gallu i barhau â'ch rhaglen ddysgu.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

---

## 5 Terfynu Cofrestriad

5.1 Gall Y Brifysgol Agored ganslo eich cofrestriad ar gyfer y cymhwyster Nyrsio o dan yr amgylchiadau a nodir yn yr [Amodau Cofrestru](#) neu [Amodau Cofrestru \(Prentisiaid\)](#) fel sy'n briodol i'ch cymhwyster. Hefyd, gall Y Brifysgol Agored ganslo eich cofrestriad os na fyddwch yn gwneud y canlynol:

- parhau mewn cyflogaeth;
- cyflawni ymarfer dysgu gyda'ch Noddwr Dysgu neu Ddarparwr Lleoliad cytûn; neu
- cynnal safonau'r Awdurdod Rheoleiddio o ran eich iechyd, cymhwysedd a safonau ymddygiad.

5.2 Os byddwch yn methu modiwl (gan gynnwys methu unrhyw arholiad ailsefyll neu ailgyflwyniad), caiff eich Cyflogwr (Prentisiaid), Noddwr Ariannol (lle y bo'n gymwys) a/neu eich Noddwr Dysgu benderfynu a yw'n parhau i'ch cefnogi ar y rhaglen Nyrsio. Os ydych yn Brentis sy'n dilyn y rhaglen Nyrsio, dylech gysylltu â'ch APDM neu unigolyn cyfatebol am ragor o wybodaeth i weld a gewch gefnogaeth i barhau. Dylai myfyrwyr sy'n astudio cymhwyster Nyrsio y tu hwnt i raglen brentisiaeth gyfeirio at y meini prawf a amlinellir yn y [Rheolau Ffioedd](#) er mwyn penderfynu a ddylech chi neu eich Noddwr Ariannol dalu ffioedd is i ailastudio modiwl rydych wedi ei fethu.

5.3 Myfyrwyr sy'n astudio cymhwyster Nyrsio y tu hwnt i raglen brentisiaeth

5.3.1 Os bydd eich Noddwr Ariannol neu Noddwr Dysgu yn rhoi'r gorau i'ch cefnogi, bydd Y Brifysgol Agored yn canslo eich cofrestriad ar gyfer y cymhwyster Nyrsio. Bydd eich cofrestriad yn ailddechrau os byddwch, cyn dyddiad dechrau cyflwyno'r modiwl nesaf, wedi cael gafael ar Noddwr Ariannol amgen (neu yn Lloegr yn unig, wedi gwneud trefniadau amgen addas i dalu ffioedd dysgu) a/neu Noddwr Dysgu.

5.3.2 Os caiff cymorth ei dynnu'n ôl, gallwch astudio modiwlau academiaidd nad ydynt yn benodol i'r rhaglen Nyrsio ar eich cam astudio presennol, ar yr amod eich bod yn gallu cyflawni deilliannau dysgu'r modiwl hwnnw, ond bydd angen i chi ddod o hyd i Noddwr Ariannol neu Ddysgu arall er mwyn parhau â'r rhaglen erbyn dyddiad dechrau'r modiwl nesaf.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- 5.3.3 Os caiff eich contract â'ch Noddwr Dysgu ei derfynu, rhaid i chi ddod o hyd i un arall er mwyn cwblhau modiwlau sy'n cynnwys y Cyfnodau Ymarfer Dysgu gofynnol ar gyfer y cam ar y Radd Nyrso rydych yn ei astudio. Os na fyddwch yn gwneud hyn o fewn 2 flynedd i'ch Cyfnod Ymarfer Dysgu diwethaf, cewch eich dadgofrestru o'r Radd Nyrso. Mewn amgylchiadau o'r fath gallwch gadw eich credyd a dychwelyd i astudio'n hwyrach os byddwch yn gymwys i wneud hynny, yn ddarostyngedig i'r rheolau a'r rheoliadau sydd ar waith pan fyddwch yn cofrestru wedyn.

---

## 6 Eich Astudiaethau

- 6.1 Rhaid i chi gwblhau eich cymhwyster Nyrso o fewn y cyfnod penodedig ar gyfer y cymhwyster hwnnw (a nodir yn y Rheoliadau sydd ar gael ar [StudentHome](#)), oni chewch estyniad yn ôl disgresiwn y Bwrdd Astudiaethau Iechyd, Llesiant a Gofal Cymdeithasol. Os ydych yn astudio prentisiaeth, rhaid i unrhyw gais am estyniad gael ei wneud gyda chytundeb eich Cyflogwr a'r Brifysgol Agored a rhaid iddo gydymffurfio â'r rheolau a nodir gan eich Darparwr Cyllido a'r rheoleiddiwr. Gellir ystyried ceisiadau am estyniad os nad ydych wedi gallu astudio oherwydd rhesymau y tu hwnt i'ch rheolaeth ([gweler Atodiad A](#)). Mae amgylchiadau eraill lle y gellir rhoi estyniad yn cynnwys y canlynol:
- os ydych wedi cael eich gwahardd dros dro o dan y Weithdrefn Addasrwydd i Ymarfer a'ch bod wedi cael eich ailgyflogi ar ôl hynny;
  - os byddwch yn colli eich swydd er nad chi oedd ar fai, ac nad ydych yn gallu dod o hyd i swydd arall ar unwaith (myfyrwyr sy'n astudio am gymhwyster Nyrso y tu hwnt i brentisiaeth yn unig).
- 6.2 Os byddwch, am unrhyw reswm, yn methu â chwblhau Cyfnodau Ymarfer Dysgu modiwl: pan fyddwch yn dychwelyd i astudio, bydd yn ofynnol i chi gwblhau o leiaf y Cyfnod Ymarfer Dysgu olaf ar gyfer y Cam ar y cymhwyster Nyrso roeddech wedi'i gyrraedd cyn y tarfwyd ar eich astudiaethau. Gallwch ofyn am i oriau ymarfer rydych wedi eu cwblhau yn ystod y modiwl gael eu cario ymlaen o'r Cyfnodau Ymarfer Dysgu hynny rydych wedi eu cwblhau'n llawn.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

- 6.3 Os byddwch yn astudio cymhwyster Nyrsio y tu hwnt i raglen brentisiaeth, er mwyn cwblhau eich cymhwyster Nyrsio gyda'r Brifysgol Agored, rhaid i chi astudio bob yn ail flwyddyn o leiaf, neu gymryd seibiant astudio wedi'i gymeradwyo fel y nodir yn [Mholisi a Gweithdrefn Newid eich Cynlluniau Astudio \(Saesneg yn unig\)](#). Os na fyddwch yn gwneud hyn, cewch eich dadgofrestru o'ch cymhwyster Nyrsio.
- 6.4 Cewch ddechrau modiwl ar gam nesaf y cymhwyster Nyrsio cyn i chi gwblhau modiwl a chael y canlyniadau ar gam cynharach. Os felly, rhaid eich bod wedi cwblhau'r modiwl a chael y canlyniadau ar y cam cynharach o fewn 12 wythnos i ddechrau'r modiwl ar y cam diweddarach. Os nad yw hyn yn bosibl neu os nad ydych yn llwyddo, ni fyddwch yn gallu dechrau'r modiwl, na pharhau i fod wedi eich cofrestru, ar y cam diweddarach.

---

## 7 Rhannu gwybodaeth a Diogelu Data

- 7.1 Gweler [Hysbysiad Preifatwydd Myfyrwr](#), [Hysbysiad Preifatwydd Nyrsio](#), a [Hysbysiad Preifatwydd Prentisiaethau](#) Y Brifysgol Agored (os ydych yn astudio'r cymhwyster Nyrsio drwy brentisiaeth) am wybodaeth lawn am y ffordd y caiff data eu casglu a'u defnyddio gan Y Brifysgol Agored. Mae rhai pwyntiau ychwanegol sy'n ymwneud â'r Cytundeb Atodol hwn. Drwy ymrwmo i'r Cytundeb Atodol hwn, nodwch y canlynol:
- Gall Y Brifysgol Agored rannu (neu bydd yn rhannu ar gyfer Prentisiaid) gwybodaeth am eich perfformiad academiaidd a'r safonau proffesiynol sy'n ymwneud â'ch astudiaeth ar gyfer cymhwyster Nyrsio â'ch Cyflogwr (Prentisiaid), eich Noddwr Dysgu, eich Noddwr Ariannol ac unrhyw Ddarparwr Lleoliad. Yn benodol, gall gwybodaeth am faterion yn ymwneud â'ch ymddygiad gael ei rhannu lle gallai effeithio ar eich addasrwydd proffesiynol neu'ch addasrwydd i ymarfer a'ch cyfranogiad parhaus mewn unrhyw amgylchedd ymarfer dysgu.
  - Gall Y Brifysgol Agored ystyried unrhyw bryderon drwy ei [Gweithdrefn Addasrwydd i Ymarfer \(Saesneg yn unig\)](#) a all arwain at osod amodau ar eich cofrestrriad parhaus ar y rhaglen, eich gwahardd dros dro neu eich dadgofrestru o'r rhaglen, neu eich diarddel o'r Brifysgol Agored.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021



- c) Gall gwybodaeth am eich iechyd ac unrhyw anabledd sydd wedi'i ddatgan gael ei rhannu â Darparwyr Lleoliad yn unol â rhwymedigaethau cyfreithiol i ddarparu addasiadau rhesymol, er mwyn cydymffurfio â rhwymedigaethau o dan Ddeddf Cydraddoldeb 2010 yng Nghymru, Lloegr a'r Alban; Deddf Gwahaniaethu ar sail Anabledd 2015 ar gyfer Gogledd Iwerddon; neu unrhyw ddyletswydd neu rwymedigaeth statudol arall. Hefyd, gall data gael eu rhannu fel nad ydych chi nac aelodau o'r cyhoedd mewn perygl wrth i chi gyflawni lleoliad.
- d) Bydd Y Brifysgol Agored yn cadw unrhyw wybodaeth a rennir yn ddiogel ac yn prosesu data yn unol â [Hysbysiad Preifatrwydd Myfyrwyr](#), [Hysbysiad Preifatrwydd Nyrsio](#) a [Hysbysiad Preifatrwydd Prentisiaethau](#). Bydd eich Cyflogwr (Prentisiaid), Noddwr Dysgu, Noddwr Ariannol ac unrhyw Ddarparwr Lleoliad yn storio ac yn prosesu gwybodaeth yn unol â'u Hysbysiadau Preifatrwydd.
- e) Gall eich Cyflogwr (Prentisiaid), eich Noddwr Ariannol (Ile y bo'n gymwys), eich Noddwr Dysgu neu unrhyw Ddarparwr Lleoliad hysbysu'r Brifysgol Agored am unrhyw faterion a allai godi pryderon am eich gallu i gyrraedd safonau proffesiynol yr Awdurdod Rheoleiddio.
- f) Gall Y Brifysgol Agored, eich Cyflogwr (Prentisiaid), eich Noddwr Dysgu, eich Noddwr Ariannol (Ile y bo'n gymwys) ac unrhyw Ddarparwr Lleoliad rannu gwybodaeth a thystiolaeth am faterion yn ymwneud â'ch ymddygiad a allai effeithio ar eich addasrwydd proffesiynol, addasrwydd i ymarfer, cyflogaeth barhaus neu eich cyfranogiad mewn Cyfnod Ymarfer Dysgu. Mae gan eich Noddwr Dysgu, fel eich cyflogwr, yr hawl i ddelio â materion sy'n ymwneud â chyflogaeth o dan ei weithdrefnau ei hun, yn annibynnol ar [Weithdrefn Addasrwydd i Ymarfer](#) Y Brifysgol Agored. Fodd bynnag, gall hon hefyd gael ei defnyddio mewn perthynas â'r materion hynny.
- g) Hefyd, efallai y bydd gan Y Brifysgol Agored rwymedigaeth gyfreithiol i ddarparu gwybodaeth benodol i'r Awdurdod Rheoleiddio.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

h) Bydd Y Brifysgol Agored, lle y bo'n ofynnol, yn hysbysu'r Awdurdod Rheoleiddio am unrhyw fater sy'n ymwneud ag addasrwydd neu addasrwydd i ymarfer yr ymchwiliir iddo yn ogystal â chanlyniad unrhyw ymchwiliad. Fodd bynnag, ni fydd Y Brifysgol Agored yn rhannu gwybodaeth am ymchwiliad i addasrwydd i ymarfer â Noddwr Ariannol (lle y bo'n gymwys), Noddwr Dysgu na Darparwr Lleoliad os ystyrir nad yw'r mater yr ymchwiliir iddo yn peri risg ddybryd o dan yr amgylchiadau, na risg i ddefnyddwyr y gwasanaeth na chleifion.

7.2 Pan gwblheir eich cymhwyster Nyrsio, bydd Y Brifysgol Agored, os oes angen ac yn amodol ar gadarnhad parhaus o iechyd a chymeriad da, yn darparu unrhyw adroddiad neu eirida sydd ei angen ar yr Awdurdod Rheoleiddio fel amod dechrau nyrsio.

7.3 Lle na chaiff cymhwyster Nyrsio ei ddyfarnu pan gwblheir y gofynion academaidd, bydd Y Brifysgol Agored yn darparu unrhyw adroddiad neu eirida sydd ei angen ar yr Awdurdod Rheoleiddio o ran y mater hwnnw. Gall fod hyn i'w drosglwyddo'n uniongyrchol i gyflenwr trydydd parti a ddefnyddir gan yr Awdurdod Rheoleiddio.

---

## 8 Rhoi'r gorau i'ch astudiaethau neu eu gohirio

8.1 Os ydych yn bwriadu gohirio modiwl neu roi'r gorau iddo cyn ei gwblhau, dylech drafod hyn â'ch Tiwtor Staff neu Reolwr Addysg. Os byddwch wedi gohirio modiwl, bydd eich Tiwtor Staff neu Reolwr Addysg, yn ei dro, yn cysylltu â'ch Noddwr Ariannol a/neu Noddwr Dysgu, a all fod yn atebol am unrhyw ffioedd ychwanegol pan fyddwch yn ailddechrau astudio'r modiwl.

8.2 Bydd Y Brifysgol Agored yn gweinyddu unrhyw Gredyd neu Ad-daliadau o ran Ffioedd sy'n ddyledus yn unol â'r [Rheolau Ffioedd](#) oni fyddwch wedi ymrwymo i gytundeb penodol â ni a'ch Noddwr Ariannol i unrhyw gredyd neu ad-daliadau o ran ffioedd gael eu gwneud yn uniongyrchol i'r Noddwr Ariannol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

# Rhestr termau

## Awdurdod Rheoleiddio

Y Cyngor Nyrsio a Bydwreigiaeth (NMC).

## Y Cod

Mae'n cynnwys y safonau proffesiynol ymarfer ac ymddygiad ar gyfer nyrsys a bydwragedd (gan gynnwys myfyrwyr), fel y'u cyhoeddwyd gan yr Awdurdod Rheoleiddio.

## Cyfleoedd Ymarfer Dysgu

Y profiadau dysgu a datblygu penodol sydd eu hangen o fewn y Cyfnod Ymarfer Dysgu er mwyn meithrin digon o wybodaeth seiliedig ar waith i gwblhau'r rhaglen nyrsio.

## Cyfnod Ymarfer Dysgu

Cyfnod neu gyfnodau dysgu, lle cewch eich adnabod yn swyddogol fel myfyriwr nyrsio ychwanegol ac na chewch eich cynnwys ar restr ddyletswyddau'r gweithlu, a all ddigwydd yn eich man gwaith neu gyda thrydydd parti.

## Cymhwyster Nyrsio

Y Graddau Cyn Cofrestru, Graddau Sylfaen, a Phrentisiaethau Gradd a gynigir gan Y Brifysgol Agored.

## Cyswllt Cyflogi

Yr unigolyn a enwebwyd gan Noddwr Dysgu i ddarparu cyswllt gweithredol parhaus â'r Brifysgol Agored o ran cyflwyno'r cymwysterau Nyrsio Cyn Cofrestru a gwmpesir gan y Cytundeb Atodol hwn.

## Darparwr Lleoliad

Y sefydliad sy'n darparu mynediad i amgylchedd ymarfer dysgu at ddibenion addysg nyrsio. Gall gynnwys eich Noddwr Dysgu ac unrhyw ddarparwyr lleoliadau ymarfer trydydd parti fel sy'n ofynnol i gyflawni cymwyseddau a deilliannau'r cymhwyster Nyrsio.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

## **Mentor**

Yr unigolyn neu'r unigolion a benodir gan y Noddwr Dysgu i oruchwyllo ymarfer dysgu ac asesu deilliannau dysgu perthnasol. Mae'n rhaid iddo neu iddynt feddu ar y cymwysterau priodol drwy gwblhau rhaglen paratoi mentoriaid sydd wedi'i chymeradwyo gan NMC, bod wedi cael y diweddariadau blynyddol ac adolygiadau teirblwydd a bod ar gofrestr mentoriaid fyw. Drwy gydol y ddogfen hon, mae'r term 'Mentor' hefyd yn cyfeirio at oruchwylwr ymarfer / aseswyr ymarfer.

## **Noddwr Ariannol**

Y sefydliad neu'r endid sy'n rhoi cymorth ariannol i chi, yn llawn neu'n rhannol, ar gyfer eich ffioedd dysgu a / neu gymorth ariannol arall sy'n gysylltiedig â'ch astudiaeth lle na chaiff ei ddarparu'n uniongyrchol gan eich Cyflogwr neu drwy fenthyciad ffioedd dysgu (Lloegr yn unig).

## **Noddwr Dysgu**

Eich cyflogwr a'r sefydliad y mae gennych gontract cyflogaeth parhaol ag ef ac sy'n gyfrifol am gefnogi eich rhyddhau i gyflawni ymarfer dysgu ychwanegol a, lle y bo'n gymwys, amser astudio cytûn o fewn oriau gwaith; gall fod yn wahanol i'ch 'Noddwr Ariannol'.

## **Panel Canlyniadau Modiwl**

Y Panel sy'n gyfrifol am gymeradwyo argymhellion ar gyfer canlyniadau modiwl, gan gynnwys monitro, cynnal a sicrhau ansawdd a safonau modiwlau.

## **Asesydd Ymarfer**

Ystyr hyn yw Cyflogeion y Partner Ymarfer Dysgu, sy'n gymwys yn ôl diffiniad y Cyngor Nyrso a Bydwreigiaeth, sy'n cynnal asesiadau i gadarnhau bod myfyrwyr wedi cyflawni medrau a deilliannau'r rhaglen ar gyfer ymarfer dysgu. Drwy gydol y ddogfen hon, rydym yn defnyddio'r term 'Mentor' i gyfeirio at aseswyr ymarfer.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

## **Goruchwylydd Ymarfer**

Ystyr hyn yw Cyflogwn y Partner Ymarfer Dysgu, sy'n gymwys yn ôl diffiniad y Cyngor Nyrso a Bydwreigiaeth, sy'n weithwyr iechyd a gofal cymdeithasol cofrestredig sy'n hwyluso myfyrwyr i gyflawni'r deilliannau dysgu ar gyfer ymarfer dysgu. Drwy gydol y ddogfen hon, rydym yn defnyddio'r term 'Mentor' i gyfeirio at oruchwylwyr ymarfer.

## **Rhaglen Nyrsio Cyn Cofrestru**

Y term cyffredinol ar gyfer y llwybrau astudio y mae myfyrwyr yn eu dilyn er mwyn cymhwyso fel nyrs neu Gydymaith Nyrsio wrth astudio Gradd Nyrsio, Gradd Sylfaen, neu Brentisiaeth Gradd gyda'r Brifysgol Agored.

## **Rheolwr Cyflwyno'r Rhaglen Brentisiaeth (APDM)**

Yr unigolyn cyswllt sy'n cynorthwyo Prentisiaid a Chyflogwyr drwy gydol eu Rhaglen Brentisiaeth. Mae'n cynnig cymorth a chynghor ar recriwtio, cofrestru a chymhwysedd; ac mae'n gyswllt rhwng y Cyflogwr a'r Brifysgol Agored. Mae'n darparu cymorth i reolwyr llinell/mentoriaid yn y gweithle a Phrentisiaid. Mae APDMau hefyd yn adolygu, yn olrhain ac yn ymateb i gynnydd Prentisiaid drwy weithio gyda'r Cyflogwr, y Prentis a'r Brifysgol Agored er mwyn sicrhau y cwblheir y rhaglen yn llwyddiannus. Maent yn casglu ac yn gweithredu ar adborth gan y Cyflogwr a'r Prentis er mwyn gwella'r broses hon yn barhaus.

## **Tiwtor Staff/Rheolwr Addysg**

Yr unigolyn neu'r unigolion a benodir gan Y Brifysgol Agored i oruchwyllo'r gwaith o gyflwyno'r cymwysterau Nyrsio ar lefel leol, gan gynnwys bod yn rheolwyr llinell Darlithwyr Cyswllt a Thiwtoriaid Ymarfer a chynnal cysylltiadau â'r Noddwr Dysgu, drwy'r Cyswllt Cyflogi fel arfer.

## **Tiwtor Ymarfer**

Yr unigolyn a benodir gan Y Brifysgol Agored i ddarparu cymorth, arweiniad a sicrwydd ansawdd o ran ymarfer dysgu myfyriwr ac asesiad y Mentor o gymhwysedd y myfyriwr drwy gydol y cymhwyster Nyrsio.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

## Eglurhad pellach

Er mwyn cadarnhau'r cyfeiriad post diweddaraf a manylion cyswllt eraill, neu os hoffech ddysgu mwy am ein hamseroedd ymateb diweddaraf ar gyfer derbyn ac anfon gohebiaeth at Y Brifysgol Agored drwy'r post, gweler [Swyddfeydd Y Brifysgol Agored](#).

I gael rhagor o wybodaeth am gofrestru a ffioedd, neu i newid neu ganslo eich astudiaethau, cysylltwch â:

### Tîm Cymorth Myfyrwyr

The Open University

PO Box 197

Milton Keynes

MK7 6BJ

[www.open.ac.uk/contact](http://www.open.ac.uk/contact)

Ffôn +44 (0)300 303 5303

### Prentisiaethau'r Brifysgol Agored

The Open University

PO Box 197

Milton Keynes

MK7 6BJ

[www.open.ac.uk/contact](http://www.open.ac.uk/contact)

E-bost [apprenticeships@open.ac.uk](mailto:apprenticeships@open.ac.uk)

Ffôn +44 (0)300 303 4121

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

## Y Brifysgol Agored yng Nghymru

Os byddwch yn byw yng Nghymru, gallwch siarad â chynghorydd cymorth myfyrwyr yn Gymraeg neu yn Saesneg.

18 Heol y Tollty  
Caerdydd  
CF10 1AP

Ffôn +44 (0)29 2047 1170

E-bost [wales-support@open.ac.uk](mailto:wales-support@open.ac.uk)

## I siaradwyr Cymraeg

Os ydych yn siarad Cymraeg a byddai'n well gennych drafod eich anghenion drwy gyfrwng y Gymraeg, cysylltwch â'r Brifysgol Agored yng Nghymru yng Nghaerdydd os gwelwch yn dda

Ffôn +44 (0)29 2047 1170 neu e-bost [wales-support@open.ac.uk](mailto:wales-support@open.ac.uk)

## Y Brifysgol Agored yn yr Alban

10 Drumsheugh Gardens  
Edinburgh  
EH3 7QJ

Ffôn +44 (0)131 226 3851

E-bost [scotland@open.ac.uk](mailto:scotland@open.ac.uk)

## Y Brifysgol Agored yn Iwerddon (Gogledd Iwerddon a Gweriniaeth Iwerddon)

110 Victoria Street  
Belfast  
Northern Ireland  
BT1 3GN

Ffôn +44 (0)28 9032 3718

E-bost [northernireland@open.ac.uk](mailto:northernireland@open.ac.uk) neu [ireland@open.ac.uk](mailto:ireland@open.ac.uk)

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

## I Fyfirwyr newydd o'r tu allan i'r DU (ac eithrio Gweriniaeth Iwerddon)

Ffôn +44 300 303 0266

[www.openuniversity.edu](http://www.openuniversity.edu)

Neu gallwch anfon e-bost atom drwy ein gwefan [www.open.ac.uk/contact](http://www.open.ac.uk/contact)

Os bydd gennych unrhyw sylwadau ynglŷn â'r ddogfen bolisi hon a sut y gellir ei gwella, cyflwynwch y rhain i [SPR-Policy-Team@open.ac.uk](mailto:SPR-Policy-Team@open.ac.uk).

### Fformat amgen

Os bydd angen y ddogfen hon arnoch mewn fformat amgen, cysylltwch â'r Tîm Cymorth Myfirwyr drwy <http://www.open.ac.uk/contact/> (rhif ffôn +44 (0)300 303 5303), neu eich Tîm Cymorth Myfirwyr dynodedig drwy [StudentHome](#) os ydych yn fyfyrwr gyda'r Brifysgol Agored ar hyn o bryd.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021



# Atodiad A

Table 1: Amgylchiadau lle y gellir ystyried rhoi estyniad i fyfyrwyr gwblhau eu cymhwyster.

Maen prawf	Amodau a nodiadau	Enghreifftiau o'r mathau o dystiolaeth ategol sydd eu hangen
1. Marwolaeth aelod agos o'r teulu, partner neu ddibynnydd.	Diffinnir aelod agos o'r teulu fel rhywun roeddech yn dibynnu arno (yn emosiynol neu'n ariannol) neu a oedd yn dibynnu arnoch chi.	Copi caled neu hysbysiad e-bost ac yna dystiolaeth ddogfennol.  Copi ardystiedig o dystysgrif marwolaeth (gellir gwneud eithriad os bu'r farwolaeth o fewn chwe wythnos cyn gwneud cais).
2. Analluogrwydd annisgwyl estynedig ar eich rhan chi neu ar ran aelod agos o'r teulu oherwydd salwch difrifol, damwain neu gyflwr meddygol.	Os oeddech yn ymwybodol o'r problemau meddygol cyn dyddiad dechrau'r modiwl, mae'n rhaid bod y cyflwr wedi gwaethygu neu ddirywio ers hynny, h.y. ni ellid bod wedi rhagweld ar ddechrau'r modiwl y byddai'r salwch neu'r cyflwr wedi cael effaith andwyol ar eich astudiaethau.	Copi caled neu hysbysiad e-bost ac yna dystiolaeth ddogfennol.  Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa. (Mae'n rhaid i gyfnod y salwch gael effaith ar bryd y tynnir yn ôl).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

<b>Maen prawf</b>	<b>Amodau a nodiadau</b>	<b>Enghreifftiau o'r mathau o dystiolaeth ategol sydd eu hangen</b>
3. Anabledd	<p>Nid yw'r addasiadau rhesymol a wnaed gan y Brifysgol er mwyn cydymffurfio â rhwymedigaethau o dan Ddeddf Cydraddoldeb 2010 yng Nghymru, Lloegr a'r Alban; Deddf Gwahaniaethu ar sail Anabledd 2015 ar gyfer Gogledd Iwerddon; neu unrhyw ddyletswydd neu rwymedigaeth statudol arall, wedi eich galluogi i astudio'n effeithiol; neu</p> <p>Mae effaith anabledd ar eich astudiaethau wedi bod yn fwy difrifol na'r disgwyl; neu</p> <p>Mae eich anabledd(au) wedi cael effaith gynyddol ar eich astudiaethau ers dyddiad dechrau'r modiwl.</p>	<p>Tystysgrif, llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p> <p>Tystiolaeth ategol o gofnodion y Brifysgol e.e. tiwtor neu'r Tîm Cymorth Myfyrwyr</p>
4. Analluogrwydd annisgwyl estynedig ar eich rhan chi oherwydd beichiogrwydd, mamolaeth/tadolaeth, neu fenthyg croth.	<p>Os oeddech yn ymwybodol o'r beichiogrwydd cyn dyddiad dechrau'r modiwl, mae'n rhaid i effaith y beichiogrwydd, mamolaeth/tadolaeth neu fenthyg croth ar eich astudiaethau fod yn fwy na'r hyn y gellid ei ragweld yn rhesymol</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan weithiwr iechyd proffesiynol, e.e. meddyg teulu, meddyg ymgynghorol neu fydwaig yn cadarnhau'r sefyllfa.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

<b>Maen prawf</b>	<b>Amodau a nodiadau</b>	<b>Enghreifftiau o'r mathau o dystiolaeth ategol sydd eu hangen</b>
5. Analluogrwydd annisgwyl estynedig ar eich rhan chi oherwydd mabwysiadu.	Os oeddech yn ymwybodol o'r mabwysiad cyn dyddiad dechrau'r modiwl, mae'n rhaid i effaith y broses fabwysiadu neu'r cyfrifoldebau gofalu ar eich astudiaethau fod yn fwy na'r hyn y gellid ei rhagweld yn rhesymol.	Tystiolaeth ategol e.e. adroddiad gan y gwasanaethau cymdeithasol neu'r asiantaeth mabwysiadu, neu dystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.
6. Analluogrwydd annisgwyl estynedig ar eich rhan chi oherwydd ailbennu rhywedd	Os oeddech wedi bod drwy'r broses o ailbennu rhywedd cyn dyddiad dechrau'r modiwl neu os oeddech yn ymwybodol erbyn hynny o'r trefniadau i wneud hynny ar ôl y dyddiad hwnnw, mae'n rhaid bod yr effaith ar eich astudiaethau yn fwy na'r hyn y gellid bod wedi'i ddisgwyl yn rhesymol.	Copi caled neu hysbysiad e-bost ac yna dystiolaeth ddogfennol.  Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.
7. Newid annisgwyl mewn amgylchiadau cyflogaeth sy'n golygu nad yw'n rhesymol bosibl i chi barhau i astudio oherwydd natur eithafol y gwaith, cyfathrebu gwael neu ddiffyg cyfleusterau astudio.	Oni fydd aelod o luocedd arfog Prydan yn cael ei leoli rhywle, ni chaiff amgylchiadau a all godi fel rhan o fywyd gwaith arferol megis newid swydd, symud, llwyth gwaith cynyddol neu ofynion teithio rhesymol eu hystyried.	Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu e-bost gan eich cyflogwr neu bennaeth milwrol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021

<b>Maen prawf</b>	<b>Amodau a nodiadau</b>	<b>Enghreifftiau o'r mathau o dystiolaeth ategol sydd eu hangen</b>
8. Camweinyddu ar ran y Brifysgol.	Camau gweithredu neu ddiffyg camau gweithredu y gellid eu hystyried yn gamweinyddu ar ran y Brifysgol ac sydd wedi effeithio ar eich cynnydd academaidd. Nid yw hyn yn cynnwys amgylchiadau sydd y tu hwnt i reolaeth y Brifysgol.	Unrhyw dystiolaeth berthnasol i gefnogi eich cais e.e. cofnod o gyswllt myfyrwyr.
9. Amgylchiadau eithriadol eraill difrifol y tu hwnt i'ch rheolaeth.	Amgylchiadau y tu hwnt i'ch rheolaeth a wnaeth leihau'n sylweddol yr amser a oedd ar gael i chi astudio dros gyfnod parhaus.	Tystiolaeth ategol e.e. adroddiad gan y gwasanaethau brys, y gwasanaethau cymdeithasol, yr heddlu neu gwnselydd, neu ddogfennaeth yswiriant cartref.
10. Newid annisgwyl mewn cyfrifoldebau gofalu	Os oedd eich cyfrifoldebau gofalu ar waith cyn dyddiad dechrau'r modiwl, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.	Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu ddatganiad meddygol gan feddyg teulu, meddyg ymgynghorol, cynorthwyydd anfeddygol neu berson neu sefydliad cymorth yn cadarnhau'r sefyllfa.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2020	Dyddiad adolygu: 1 Ionawr 2021